



**Iascach Intíre Éireann
Inland Fisheries Ireland**

An nós imeachta chun iarratas a dhéanamh ar Cheadúnas chun Oisrí a Dhreideáil agus Ceadúnais a eisiúint

23/09/2025

Leagtar amach sa Doiciméad seo nós imeachta Iascach Intíre Éireann le hIarratais ar Oisrí a Dhreideáil - ar láithreáin Natura 2000 a bhreithniú.

Nós Imeachta IFI le Ceadúnais a Eisiúint chun Oisrí a Dhreideáil

| | | | | | |
|--|---|-------|---------------|----------------|---------------|
| Ainm an Doiciméid | An nós imeachta chun iarratas a dhéanamh ar Cheadúnas chun Oisrí a Dhreideáil agus Ceadúnais a eisiúint | | | | |
| Údar/Údair: | An Dr. Greg Forde | | | | |
| Oifigeach Údaraithe | An Mr Francis O'Donnell, Príomhoifigeach Feidhmiúcháin | | | | |
| Tuairisc ar an Ábhar: | Leagtar amach sa doiciméad seo an nós imeachta chun iarratas a dhéanamh ar Cheadúnas chun Oisrí a Dhreideáil - ar Láithreáin Natura 2000 agus Ceadúnais a eisiúint. | | | | |
| Arna cheadú ag: | | | | | |
| Dáta ar Ceadáíodh: | | | | | |
| Tréimhse atá sannta lena athbhreithniú: | 2 bliana | | | | |
| Dáta an chéad athbhreithnithe eile: | Deireadh Fómhair 2026 | | | | |
| Cód an Doiciméid | Nósanna imeachta an IFI i leith Iarratais ar Cheadúnais chun Oisrí a Dhreideáil | | | | |
| Tá an doiciméad seo comhdhéanta de | Clár an Ábhair | Téacs | Liosta Táblaí | Tábla Fíoracha | Líon Aguisíní |
| | | | 0 | 0 | 1 |

Tábla Leaganacha

| Uimh. Leagain | Stádas | Údar/Údair | Arna athbhreithniú ag | Arna cheadú ag | Dáta ar eisíodh |
|----------------------|----------------|-------------------|------------------------------|-----------------------|------------------------|
| Leagan 1 | Dréacht | An Dr. Greg Forde | IFI RBDMT | 17-11-2011 | |
| Athbhreithniú 2 | Dréacht | An Dr. Greg Forde | Leasaithe | 05/12/2011 | |
| Athbhreithniú 3 | Dréacht | An Dr. Greg Forde | Leasaithe | 14/12/2011 | |
| Leagan 3 | Leagan Deiridh | An Dr. Greg Forde | An Bord | 15/12/2011 | 15/12/2011 |
| Leagan 3.1 | 2012 | An Dr. Greg Forde | Dátaí ar Leasaíodh | 2/10/2012 | |
| Leagan 3.2 | 2013 | An Dr. Greg Forde | Dátaí ar Leasaíodh | 11/10/2013 | |
| Leagan 3.3 | 2014 | An Dr. Greg Forde | Dátaí ar Leasaíodh | 10/10/2014 | 16/10/2014 |
| Leagan 3.4 | 2015 | An Dr. Greg Forde | Dátaí ar Leasaíodh | 28/10/2015 | 31/10/2015 |
| Leagan 3.5 | 2016 | An Dr. Greg Forde | Dátaí ar Leasaíodh | 19/10/2016 | 21/10/2016 |
| Leagan 3.6 | 2017 | An Dr. Greg Forde | Dátaí ar Leasaíodh | 23/10/2017 | 23/10/2017 |

| | | | | | |
|-------------|------|----------------------|-----------|------------|------------|
| Leagan 3.7 | 2018 | An Dr. Greg Forde | Leasaithe | 01/10/2018 | 01/10/2018 |
| Leagan 3.8 | 2019 | An Dr. Greg Forde | Leasaithe | 18/11/2019 | 18/11/2019 |
| Leagan 3.9 | 2020 | An Dr. Greg Forde | Leasaithe | 02/11/2020 | 02/11/2020 |
| Leagan 3.10 | 2021 | An Dr. Greg Forde | Leasaithe | 01/11/2021 | 01/11/2021 |
| Leagan 4 | 2022 | An Mr. Barry Fox | Leasaithe | 01/11/2022 | 01/11/2022 |
| Leagan 4.1 | 2023 | An Mr. Barry Fox | Leasaithe | 01/11/2023 | 01/11/2023 |
| Leagan 4.2 | 2024 | An Mr. Brian Beckett | Leasaithe | 21/10/2024 | 21/10/2024 |
| Leagan 4.3 | 2025 | An Milton Matthews | Leasaithe | 23/09/2025 | 23/09/2025 |

Leithdháileadh Ceadúnas Dreideála Oisrí in LCSanna in 2026 lena chinntiú nach dtarlóidh aon dianú ar ghníomhaíocht iascaireachta agus go gcosnófar gnáthóga tosaíochta i gcoinne gníomhaíocht mhíchuí dreideála.

Is é Iascach Intíre Éireann (IIÉ) an ghníomhaireacht poiblí atá freagrach as acmhainní iascaigh intíre agus slatiascaireachta mara na hÉireann a chaomhnú agus a bhainistiú. Cuid den fheidhm reachtúil sin, de bhun na nAchtanna Iascaigh (1959 – 2010, arna leasú), is ea ceadúnais a eisiúint maidir le baint oisrí trí bhíthin dreideála i roinnt cuanta cósta ainmnithe, cuid mhaith acu atá ina láithreáin Natura 2000 (AE).

Ar na leasanna cáilitheacha agus na leasanna caomhnaithe speisialta (is é sin le rá na gnáthóga agus na speicis atá ina saintréith den réigiún agus a bhfuil tábhacht leo ó thaobh caomhnú de i gcomhthéacs náisiúnta agus AE) a bhfuil na cuanta cósta seo ainmnithe ina leith, tá orgánaigh mhuirí íogaire agus a dtimpeallachtaí ar gá iad a chaomhnú agus a chosaint faoi reachtaíocht AE agus náisiúnta. Ar an gcúis sin, tá gach gníomhaíocht dobarshaothraithe (dreideáil san áireamh) faoi réir measúnú iomchuí i gcomhréir le hairteagal 6(3) de Threoir 92/43/CEE ón gComhairle *maidir le caomhnú gnáthóg nádúrtha agus flóra agus fána fiáin*, le Treoir 79/409/CEE ón gComhairle *maidir le caomhnú éan fiáin* agus le cuid 5(42) de I.R. 477/2011 - *Rialachán na gComhphobal Eorpach (Éin agus Gnáthóga Nádúrtha)* lena chinntiú nach mbeidh éifeachtaí suntasacha ann mar thoradh ar aon ghníomhaíocht cheadúnaithe a d'fhéadfadh cur isteach ar shláine láithreán Eorpach.

Is í an Roinn Tithíochta, Rialtais Áitiúil agus Oidhreachta is mó atá freagrach as forfheidhmiú na reachtaíochta AE agus náisiúnta thuasluaite. Bíodh sin mar atá, mar an t-údarás poiblí atá i gceannas ar eisiúint ceadúnas i dtaca le gníomhaíochtaí áirithe laistigh de láithreáin Natura 2000, ní mór d'Iascach Intíre Éireann a chinntiú go ndéantar aon ghníomhaíocht cheadúnaithe den sórt sin sa chaoi is go gcomhlíontar ceanglais na Treorach maidir le Gnáthóga, na Treorach maidir le hÉin agus na Rialachán maidir le Gnáthóga.

Le comhlíonadh na rialachán AE agus náisiúnta a chinntiú, tá próiseas curtha i bhfeidhm ag Iascadh Intíre Éireann le nuashonrú a dhéanamh ar na Measúnuithe Cuí le haghaidh baint oisrí i Limistéir faoi Chaomhnú Speisialta/Limistéir faoi Chosaint Speisialta, agus chun aon mhaoluithe atá beartaithe i dtaca le gníomhaíocht bainte a neartú lena chinntiú go mbainfear amach na cuspóirí caomhnaithe a bhaineann leis na gnáthóga agus na speicis atá faoi chosaint i láithreáin Natura 2000. Agus an próiseas sin ag dul ar aghaidh, tá Iascach Intíre Éireann ag iarraidh ar na daoine a bhfuil ceadúnas dreideála oisrí acu eolas a chur ar na háiteanna ina gcuan féin a bhféadfadh gníomhaíochtaí áirithe (i.e. dreideáil) dochar nó damáiste a dhéanamh do ghnáthóga íogaire (Eorpacha), eadhon:

- 1. Pobal ina bhfuil an Mhiléarach i réim**
- 2. Pobal ina bhfuil an Méarla i réim**
- 3. Pobal ina bhfuil an Tiúbphéist Dhearg i réim**

Tá léarscáileanna agus measúnuithe a bhaineann leis na gnáthóga sin le fáil ag <https://www.fisheriesireland.ie/services/public-services/oyster-dredge-licences>

Tugtar ansin sonraí faoi cá háit a bhfuil na gnáthóga thuasluaite sin agus faoina fhairsinge atá siad, ar áiteanna iad a bhféadfadh dreideáil damáiste a dhéanamh. Is cion faoi alt 35 é mainneachtain cloí leis na rialacháin lena gceanglaítear eisiamh ó na limistéir ghnáthóige sin atá leagtha amach sa léarscáil atá i gceangal leis seo. (1)(a) de na Rialacháin maidir le Gnáthóga.

Ní mór d'Iascach Intíre Éireann a chinntiú freisin go ndéantar bainistiú ar iascaigh oisrí fiáine ar bhealach inbhuanaithe agus leanfaidh sé air dá bharr sin ag cur teorainn le líon na gceadúnas a eiseofar do 2025-2026 agus do na blianta ina dhiaidh sin sa chaoi nach mó líon na gceadúnas a eiseofar ná meánlíon na gceadúnas a eisíodh don Cheantar/Limistéar sin sna 5 bliana is déanaí a raibh dreideáil ar bun i ndáiríre. Amach anseo, beidh aon mhéadú ar líon na gceadúnas a eiseofar ag brath ar bheith in ann saothrú inbhuanaithe a dhéanamh ar mhéadú a bheidh tagtha ar bhithmhais na n-oisrí san iascach. Go dtí go mbeidh méadú den sórt sin ar bhithmhais léirithe, leanfaidh na srianta reatha ar líon na gceadúnas de bheith i bhfeidhm.

Tá líon na gceadúnas a eisíodh sna 5 bliana is déanaí a raibh iascaireacht ar bun san iascach déanta amach le haghaidh na gCeantar Iascaigh go léir a bhaineann le hábhar agus úsáidfear na figiúirí sin le huaslíon na gceadúnas a shocrú.

Le roinnt blianta anuas, ba ghá an córas seo a thabhairt isteach mar bheart eatramhach chun go bhféadfadh Iascach Intíre Éireann an t-iascach a bhainistiú ar bhealach inbhuanaithe agus foráil a dhéanamh d'eisiúint ceadúnas oisrí go náisiúnta.

Nós imeachta chun Iarratas a dhéanamh ar Cheadúnas chun Oisrí a Dhreideáil

Ní mór fráma ama a leagan amach d'iarratais ar cheadúnas oisrí i.e. tugtar cuireadh d'iarratais ó iascairí oisrí atá ag lorg ceadúnais chun Dreidire Oisrí a oibriú le linn shéasúr **2026**. Ní ghlacfar le hiarratais ach ó iarratasóirí a bhfuil báid acu ar chlár na mbád iascaireachta mara sa Roinn Talmhaíochta, Bia agus Mara. Ní mór d'iarratasóirí **Aguisín 1 den Foirm Iarratais i leith Ceadúnas chun Oisrí a Dhreideáil** a chomhlánú. **Tabhair faoi deara go bhfuil foirmeacha iarratais ar fáil ar líne ag**

<https://www.fisheriesireland.ie/services/public-services/oyster-dredge-licences>

nó ó aon oifig ceantair de chuid Iascach Intíre Éireann (tagair d'Aguisín 2 chun teacht ar liosta d'Oifigí Ceantair an IFI).

Ní mór gach iarratas a chur ar aghaidh ar an bhfoirm IFI a éilítear agus í a bheith comhlánaithe ina hiomláine. **Dé Luain an 1ú Nollaig 2025 roimh an 12.00 meán lae** an dáta deiridh a nglacfar le hiarratais ar Cheadúnas chun Oisrí a Dhreideáil do shéasúr **2026**. Ní mór iarratais a sheoladh chuig an oifig IFI iomchuí agus an Ceantar Iascaigh dá bhfuil an t-iarratas á lorg a lua. Ní bhreithneofar aon iarratas a bheidh déanach seachas sa chás go mbeadh an líon iarratas nó ceadúnas a eisítear ar dtús a bheith níos lú ná an líon atá ar fáil nó le heisiúint.

Foilseofar fógra ar láithreán gréasáin an IFI agus i Nuachtán Náisiúnta ina luafar na cúiseanna atá leis na bearta caomhnaithe i dtaobh iarrachta agus toradh agus an chúis nach féidir dianshaothrú a cheadú.

Déanfar iarratais ar Cheadúnais chun Oisrí a Dhreideáil a dhátstampáil agus uimhir a chur orthu ar iarratas a fháil/oscailt agus seolfaidh an oifig chuí admháil i scríbhinn.

Arna fháil déanfaidh an oifig chuí de chuid Iascach Intíre Éireann an t-iarratas ar cheadúnas a mharcáil go soiléir de réir an Cheantair Iascaigh lena mbaineann sé.

Má bhaineann an t-iarratas ar Cheadúnas le hOisrí a Dhreideáil le ceantar ina bhfuil láithreán Natura 2000 ní mór don IFI a chinntiú go bhfuil bainistiú ceart á dhéanamh ar an iascach agus ar an láithreán Natura agus go bhfuil cosaint chuí ag gnáthóga tosaíochta - chuige sin ní cheadófar dreideáil i limistéir áirithe a bhfuil gnáthóga tosaíochta. Déanann an NPWS 'oisre' a liostú freisin mar speiceas saintréitheach i ngnáthóga dríodair nó déantar é a liostú ina ghnáthóg sonrath ann féin agus lena mbaineann cuspóirí caomhnaithe agus ní mór don IFI dá bhrí sin a chinntiú nach bhfuil róshaothrú á dhéanamh ar an ngnáthóg sin. Mar thoradh air sin beidh feidhm fós le srianta ar leith go dtí go gcinnteofar faoi phleananna bainistíochta go bhfuil an stoc á shaothrú go hinbhuanaithe.

Ní ghlacfar le hiarratais ach ó iascairí dlisteanacha oisrí a bhfuil an trealamh riachtanach acu - bád agus dreidire - chun tabhairt faoin ngníomhaíocht. Déanfar an bád agus an dreidire a scrúdú sula n-eiseofar ceadúnas. Iarrfar ar iascairí dlisteanacha oisrí cruthúnas i scríbhinn a chur ar fáil go raibh siad ag iascaireacht oisrí le bliain/san am a caitheadh. (m.sh fianaise ar oisrí a dhíol srl.).

Tá sé tábhachtach freisin féachaint a chinntiú gur ar iascairí seanbhunaithe a eisítear ceadúnais agus ní cheadaítear iontrálaithe nua sa chás go ndéanfadh sin dochar d'iascairí seanbhunaithe.

Ní mór do gach sealbhóir ceadúnais a chinntiú go n-aithnítear ainm úinéir an dreidire go soiléir ar an dreidire (i scríbhinn táthaithe) agus go bhfuil an ceadúnas in ainm an úinéara.

I ndiaidh an chéad mheasúnaithe ar iarratais ar cheadúnais, ba chóir ceadúnais a leithroinnt mar seo a leanas:

Ní ghlacfar le hiarratais ó iascairí a ciontaíodh i gcionta iascaigh le dhá bhliain roimhe seo.

Aicme 1

Ceadúnais le leithroinnt (faoi réir cigireacht ar bhád agus ar dhreidire) ar an gcéad dul síos ar iascairí seanbhunaithe a bhfuil bád acu atá cláraithe ar chlár bád iascaigh mhara na Roinne Talmhaíochta Bia agus Mara agus a raibh ceadúnas acu le hoisrí a dhreideáil i leith na bliana 2025 agus i leith gach bliana de na ceithre bliana deiridh a raibh an t-iascach oscailte lena iascaireacht agus a ndearnadh é a iascaireacht go gníomhach.

Aicme 2

Ceadúnais le leithroinnt (faoi réir cigireacht ar bhád agus ar dhreidire) ar iascairí seanbhunaithe a bhfuil bád acu atá cláraithe ar chlár bád iascaigh mhara na Roinne

Talmhaíochta Bia agus Mara agus a raibh ceadúnas acu i leith na bliana 2025 agus i leith trí bliana de na 5 bliana deiridh a raibh an t-iascach oscailte lena iascaireacht agus a ndearnadh é a iascaireacht go gníomhach.

Aicme 3

Ceadúnais le leithroinnt (faoi réir cigireacht ar bhád agus ar dhreidire) ar iascairí seanbhunaithe a bhfuil bád acu atá cláraithe ar chlár bád iascaigh mhara na Roinne Talmhaíochta Bia agus Mara agus a raibh ceadúnas acu i leith ceithre bliana de na 5 bliana deiridh a raibh an t-iascach oscailte lena iascaireacht agus a ndearnadh é a iascaireacht go gníomhach.

Aicme 4

Ceadúnais le leithroinnt (faoi réir cigireacht ar bhád agus ar dhreidire) ar iascairí seanbhunaithe a bhfuil bád acu atá cláraithe ar chlár bád iascaigh mhara na Roinne Talmhaíochta Bia agus Mara agus a raibh ceadúnas acu i leith trí bliana de na 5 bliana deiridh a raibh an t-iascach oscailte lena iascaireacht agus a ndearnadh é a iascaireacht go gníomhach.

Aicme 5

Ceadúnais le leithroinnt (faoi réir cigireacht ar bhád agus ar dhreidire) ar iascairí seanbhunaithe a bhfuil bád acu atá cláraithe ar chlár bád iascaigh mhara na Roinne Talmhaíochta Bia agus Mara agus a raibh ceadúnas acu i leith dhá bhliain de na 5 bliana deiridh a raibh an t-iascach oscailte lena iascaireacht agus a ndearnadh é a iascaireacht go gníomhach.

Aicme 6

Ceadúnais le leithroinnt (faoi réir cigireacht ar bhád agus ar dhreidire) ar iascairí seanbhunaithe a bhfuil bád acu atá cláraithe ar chlár bád iascaigh mhara na Roinne Talmhaíochta Bia agus Mara agus a raibh ceadúnas acu i leith bliain amháin de na 5 bliana deiridh a raibh an t-iascach oscailte lena iascaireacht agus a ndearnadh é a iascaireacht go gníomhach.

Aicme 7 Ar bhonn trialach sa bhliain 2019, 2020, 2021, 2022, 2023, 2024, 2025 agus 2026

Iarratasóir nua - gaol den chéad ghlúin (céile; deartháir; deirfiúr; mac; iníon agus iadsan amháin) Ceadúnais le leithroinnt (faoi réir cigireacht ar bhád agus ar dhreidire) ar iascairí seanbhunaithe (ach nach raibh ceadúnas oisrí acu roimhe seo) a bhfuil bád acu atá cláraithe ar chlár bád iascaigh mhara na Roinne Talmhaíochta Bia agus Mara nach raibh ceadúnas acu ina n-ainm féin ach ar gaol den chéad ghlúin iad d'iascaire reatha atá sásta éirí as an iascach ach atá ag coinneáil an traidisiúin sa teaghlach - is féidir na cásanna sin a bhreithniú faoi Aicme 7. Déanfar gaolta den chéad ghlúin a bhreithniú ar bhonn tosaíochta mar aon le haicmí 1-6 thuas. D'fhéadfaí stair iascaireachta an té atá ag éirí as a ghlacadh san áireamh freisin sa chás go ndéantar dearbhú cuí agus é a bheith sínithe.

D'fhéadfadh faoin bhforáil a bhaineann le duine gaolta a bheith ag éirí as go mbeadh cruthúnas doiciméadach de dhíth i bhfoirm deimhniú breithe, ID a bhfuil grianghraif air den dá pháirtí agus más gá billí fónais srl..

Aicme 8

Déanfar iarratasóirí nua - a bhfuil bád acu ar chlár bád iascaigh mhara na Roinne Talmhaíochta, Bia agus Mara a chur ar liosta feithimh mar go bhféadfaí ceadúnais a bhreithniú lena n-eisiúint ar iontrálaithe nua sa chás go bhfeabhsódh an stoc san iascach chomh maith is gur féidir saothrú inbhuanaithe a dhéanamh ag líon is airde dreidirí agus toradh réasúnach a bheith ag iascairí.

| Aicme | An bhliain is déanaí | Soláthar breise go dtí seo | Tréimhse thagartha |
|-------|----------------------|---|--------------------|
| 1 | 2025 | Agus gach ceann de na 4 bliana seo caite | 2025 and 2021-2024 |
| 2 | 2025 | Agus trí bliana de na 5 bliana seo caite | 2025 and 2021-2024 |
| 3 | Ní bhaineann | 4 bliana de na 5 bliana seo caite | 2021-2025 |
| 4 | Ní bhaineann | 3 bliana de na 5 bliana seo caite | 2021-2025 |
| 5 | Ní bhaineann | 2 bhliain de na 5 bliana seo caite | 2021-2025 |
| 6 | Ní bhaineann | 1 bhliain de na 5 bliana seo caite | 2021-2025 |
| 7 | Ní bhaineann | Garghaol le sealbhóir ceadúnais atá ag dul ar scor. | 2019-2025 |
| 8 | Ní bhaineann | Iontrálaí nua | N/A |

Cásanna Eisceachtúla Cruatain

Sa chás go measann an IFI go bhfuil cás cruatain áirithe i gceist ina raibh cosc ar iascaire seanbhunaithe ó bheith ag iascaireacht agus ó cheadúnas a fháil ar feadh roinnt blianta de bharr breoiteacht teistithe - d'fhéadfadh go mbreithneodh an Stiúrthóir Dúiche, lena mbaineann an ceantar ina bhfuil an t-iarratas á dhéanamh, nó an Ceann Oibríochtaí an cás sin mar eisceacht. Ní mór don iarratasóir sa chás seo cruthúnas doiciméadachta riachtanach a chur ar fáil le gur féidir an cás a bhreithniú ina iomláine. Má mheastar - dá mbeadh ar chumas an iarratasóra ceadúnais a fháil agus dul i mbun iascaireachta go mbeadh sin déanta acu, féadfaidh an Stiúrthóir Dúiche, i ndiaidh dó an cás a mheasúnú (faoi réir cigireacht báid agus dreidire) an t-iarratasóir a leithroinnt faoi aicme faoi Cás Cruatain. Déanfar an Cás Cruatain ansin a leithroinnt faoi cheann de na hAicmí 1-8 - ba chóir go ndéanfaí é a leithroinnt faoin aicme a mheasann an Stiúrthóir is gaire atá don chás dá mbeadh an t-iarratasóir in ann ceadúnas a ghlacadh. – Is i gcás fíorchruatain na cásanna seo agus níor cheart iad a leithroinnt ach nuair is léir go bhfuil fíorchás dá leithéid i gceist agus ina gcuirtear an cruthú riachtanach ar fáil.

An Próiseas Achomhairc:

Tá próiseas achomhairc bunaithe sa chás go gcreideann iarratasóir nár deineadh a iarratas/hiarratas a leithroinnt sa chatagóir ceart nó sa chás gur mian le hiarratasóir achomharc a dhéanamh ar chinneadh.

Seo a leanas an próiseas achomhairc:

Ní mór d'iarratasóir, ar mian leis/léi go bhféachfaí arís ar an gcinneadh a deineadh maidir lena iarratas/hiarratas, scríobh chuig an Oifigeach Achomhairc **laistigh de choicís ó fhaightear an litir ina dtugtar an cinneadh a deineadh maidir leis an iarratas ar cheadúnas** agus a rá gur mian leis/léi achomharc a dhéanamh ar an gcinneadh a deineadh maidir lena iarratas/hiarratas. Tá feidhm le táille riaracháin **€80** sa chás seo agus ní bheidh an táille sin in-aisíoctha ach sa chás go n-éireodh leis an achomharc. Ní mór na forais ar a bhfuil an t-achomharc á dhéanamh a lua. (Aicmiú mícheart ar a n-iarratas; gan teacht a bheith ar an mbád ná ar an dreidire lena scrúdú nuair a éilíodh sin), cás cruatain nár cuireadh doiciméadú leordhóthanach ar fáil srl. Ní ceadmhach d'aon duine achomharc a dhéanamh nó go mbeidh an chéad chinneadh déanta maidir lena n-iarratas.

Ní mór don Achomharcóir na forais iomlána le haghaidh achomharc ar an gcinneadh a thabhairt. Ní mór gach eolas a bheidh riachtanach chun tacú le firicí an achomhairc a chur ar fáil le linn an achomhairc. Sa chás gur mian leis an achomharcóir breoiteacht dáiríre a lua mar cheann de na forais don achomharc, beifear ag súil go síneoidh an t-achomharcóir toiliú lena dtabharfar cead don IFI deimhniú i scríbhinn a iarraidh, ar bhonn rúndachta, ó Dhochtúir Leighis cuí.

Déanfaidh Oifigeach Achomhairc an t-achomharc a mheas agus déanfaidh cinneadh maidir le fiúntas an achomhairc laistigh de **1 mhí féilire** ó fhaightear achomharc dlisteanach. Sa chás go meastar an t-achomharc a bheith réasúnach agus go gceadaítear é d'fhéadfadh go ndéanfaí ceadúnas a leithroinnt faoi Chatagóir (1-8) arna chinneadh ag an Oifigeach Achomhairc. (D'fhéadfadh sé tarlú freisin nach mbeadh aon cheadúnais bhreise ar fáil. Seasfaidh an toradh áfach sa chás go ndéanfaí iarratas arís an bhliain dar gcionn). Má mheastar nár éirigh leis an achomharc, cuirfidh an tOifigeach Achomhairc an t-achomharcóir ar an eolas faoi na cúiseanna go bhfuil an t-achomharc á dhiúltú. Sa chás go mbeidh síneadh ama á lorg, cuirfidh an tOifigeach Achomhairc sin in iúl don iarratasóir. Is cinneadh críochnaitheach é cinneadh Oifigeach Achomhairc Iascach Intíre Éireann.

(Sainmhíniú: "Iascairí Seanbhunaithe" Is iascairí iad seo atá in ann a chruthú gur ón iascaireacht a thagann cionroinnt suntasach dá n-ioncam agus a bhfuil an cumas agus na hacmhainní riachtanacha acu tabhairt faoi iascaireacht dreideála oisrí agus dea-theist orthu ina n-iascaire oisrí agus a bhfuil bád iascaigh acu atá ar chlár na Roinne Talmhaíochta, Bia agus Mara).

Ní eiseofar aon cheadúnas go dtí go dtiocfaidh iarratasóir a measadh ar dtús a bheith oiriúnach chun ceadúnas a fháil i láthair Cigire ainmnithe de chuid an IFI chomh maith le bád an iarratasóra atá ceadúnaithe go cuí agus an dreidire. Is féidir an ceadúnas a eisiúint a luaithe a bheidh cigireacht déanta ar an mbád agus an dreidire agus a cheadaítear an t-iarratasóir le ceadúnas a fháil. Ní eiseoidh ball foirne den IFI an

ceadúnas ach ar shealbhóir an cheadúnais i leith an bháid shonraigh atá i gceist agus a bhfuil sé fíoraithe ina leith go bhfuil an dreidire oiriúnach uirthi - Níl aon fhoráil sa reachtaíocht ná ar an gceadúnas i dtaobh ainmní.

An fhoirm iarratais mar atá in Aguisín 1 an fhoirm atá i gceist - ní mór an táille chúí a bheith le hiarratas chun go mbeidh an t-iarratas bailí. Sa chás go ndiúltaítear ceadúnas déanfar an táille ceadúnais a aisíoc ina hiomláine.

Féach Aguisín 2 maidir le teagmhálacha i ndáil le hIarratais agus Nós Imeachta Achomhairc.

Aguisín 1

Foirm Iarratais i leith Ceadúnas chun Oisrí a Dhreideáil - 2026



Iascach Intíre Éireann
Inland Fisheries Ireland

Ainm an Iarratasóra: _____
(Bloclitreacha)

Seoladh Baile: _____
(Bloclitreacha)

Ainm an Chomharchumainn dá bhfuil an t-iarratasóir ina bhall (más infheidhme) (*féach iarnóta*) *

Uimhir ballraíochta (más ann di): _____ Uimh. Theileafóin: _____

Dearbhú gur ar iascaireacht den chuid is mó a dhéanann an t-iarratasóir a shlí/slí bheatha: Is ea Ní

Mionsonraí an Bháid: **Ainm** **Fad** **Dath** **Cláruimhir**

Mionsonraí ar threalamh Dreideála Oisrí _____

Síniú an Iarratasóra: _____ Dáta: _____

€94 an praghas atá ar Cheadúnas chun Oisrí a Dhreideáil i 2026
Ní mór do gach iarratasóir teagmháil a dhéanamh leis an oifig IFI áitiúil chun go dtabharfar faoi chigireacht ar a mbád agus an dreidire.*
Tabhair ar aird – Ní eiseofar ceadúnais iascaigh oisrí ach ar dhaoine atá:
Ina mball de Chomharchumainn a bhíonn i mbun oisrí a fhorbairt agus a chosaint, nó
Daoine arb í an t-iascaireacht an tslí bheatha is mó atá acu.
Ba chóir cruthúnas i scríbhinn a chur ar fáil le gach iarratas gur tugadh faoi iascaireacht oisrí an bhliain roimhe sin. (m.sh fianaise ar oisrí a dhíol srl.).

Aguisín 2

Ainmneacha agus Seoltaí Oifigí agus Stiúrthóirí na gCeantar Abhantraí

Iascach Intíre Éireann – Baile Átha Cliath
(Ceantar Abhantraí an Oirthir)
Stiúrthóir – Ronan Matson
Iascach Intíre Éireann
3044 Lake Drive
Campas Gnó Iarthar na Cathrach
Baile Átha Cliath 24
D24 Y265
Teileafón: (01) 8842600

Iascach Intíre Éireann – Cluain Meala
(Ceantar Abhantraí an Oirdheiscirt)
Stiúrthóir – Lynda Connor
Sráid Anglesea
Cluain Meala
Co. Thiobraid Árann
E91 RD25
Teileafón: (052) 6180055

Iascach Intíre Éireann - Maigh Chromtha
(Ceantar Abhantraí an Iardheiscirt)
Stiúrthóir – Sean Long
Teach Thaobh na Gréine
Maigh Chromtha
Co. Chorcaí
P12 X602
Teileafón: (062) 41221

Iascach Intíre Éireann – Luimneach
(Ceantar Abhantraí na Sionainne)
Stiúrthóir – David McInerney
Páirc Gnó Ashbourne
Bóthar an Duga
Luimneach
V94 NPEO
Teileafón: (061) 300238

Iascach Intíre Éireann – Gaillimh
(Ceantar Abhantraí an Iarthair - Gaillimh)
Stiúrthóir – Rachel Cooper
Teach Breac
Oileán an Iarla
Gaillimh
H91 E2A2
Teileafón: (091) 563118

Iascach Intíre Éireann – Gaillimh/Béal an Átha
(Ceantar Abhantraí an Iarthair - Béal an Átha)
Stiúrthóir – Mary Walsh
Teach Ard na Rí
Sráid na Mainistreach
Béal an Átha
Co. Mhaigh Eo
F26 K029
Teileafón: (096) 22788

Iascach Intíre Éireann – Béal Átha Seanaidh
(Ceantar Abhantraí an Iarthuaiscirt)
Stiúrthóir gníomhnach – Owen Kelly
Bóthar an Stáisiúin
Béal Átha Seanaidh
Co. Dhún na nGall
F94 WV76
Teileafón: (071) 9851435

Teagmhálacha ábhartha eile:

An tOifigeach Achomhairc

Milton Matthews
Ceann na nOibríochtaí
Iascach Intíre Éireann
Bóthar an Stáisiúin
Béal Átha Seanaidh
Co. Dhún na nGall
F94 WV76
Teileafón: (071) 9851435